

LEO RVBEVS.


Nimb diesen rohten Löwen / reib ihn auff's kleinest vnd subtilst / vnd putrificier ihn widerumb mit dem obern Wasser des Sp. Vini, wie zu vor / doch alle fünff Tag mit frischem erneuert / das geschehe zum dritten mal mit frischem Sp. Vini / so ist er verkehrt in die flüchtige Geistlichkeit: Vnd wenn der Sp. Vini, im Mariæ B. lind darvon gezogen wird biß zur Deligkeit / so bleibt ein Blutröhter Liquor, das wirdt des rohten Löwen Blut genandt: Diß ist nun der gröste vnd gewaltigste Schatz der gansen Welt dem nichts gleich ist.

FERMENTATIO

LEONIS RVBEI.

Thundt mercke auff zu dem Tincturischen wesen des roten Löwen / Nimb Vngerisch Blatgold klein gerieben / in drey stunden auff einem glatten Marmol vier loht / thu es nach dem reiben in ein rechts dar zu gehöriges Glas / doch das zu vier lohten qualificiert sey / nicht zu klein noch zu groß / setze es in gesetzte äschen mit linder werme / gieß des roten Löwen Blut darauff / wie oben zugerichtet / dz wol darübergang / eines Strohalms hoch / wenn er vberzwerch ligt / das Glas laß also mit dem einen Helm offen / so wird ein feuchtigkeit noch im Glas des Helms sich sehen lassen / halte so lang lind Feuer / biß kein wässerigkeit gesehen wirdt / vnd aller trucken worden ist / darnach versigillier das Glas oben im Hals / vnd setz das Glas mit sampt der Materien wider in die subtile äschen / das sie gleich halb gesehen wurd / vnd mache ein subtil Feuer darunder / damit das Glas so heiß sey / als warm die Sonn in Hundstagen scheint. Laß in diser Hiz stehn biß die Materi anfacht schwarz / lecht zu werden / dann halte es in gleicher hiz / biß sich die schwer gemacht sam verleurt / dann solt du das Feuer stercken noch mit halber hiz / doch also das von der Materi nichts auffsteige / des soltu groß achtung haben / dann werden sich mancherley schöne farben erzeigen.

Nun solt du das Feuer von Grad zu Grad so verstendiglich regieren / biß du auff weißgraw / vnd lechtlich gar auff weiß kommest / so ist dieser Schatz ganz fix vnd vnverbrennlich worden. Also halt nun das Feuer in grosser Hiz / so wird es anheben gelb zu werden / vnd endlich gemacht mit sehr grossem verwundern / die höchste fürtrefflichste Salamandrische röhte erlangen. Vnd ist also dises Werck zum ende geführet / vnd bedarff darauff keiner anderen Arbeit mehr / dann nur allein darmit zu tingiren / wie volget.



NOTA